

नारायण आया पावणा

छोरिया म्हारी गाओ ये बजाओ गढ़ की गुजरिया
म्हारा नारायण का गाओ मंगला चार ,,
म्हारे देव पधारिया पावणा ॥

थाने धन्य धन्य म्हारी मालासेरी डुंगरिया ।
वठे जन्मिया जन्मिया त्रिलोकी का नाथ ॥
नारायण आया पावणा.....

सैया मारी कंकर फुटिया कवल निकल्या ।
ये तो कवला में लियो अवतार ॥
नारायण आया पावणा.....

देवजी जन्मते बाज्या चंग ढोलडा ।
या तो महला में बाजी सोवन ताल ॥
नारायण आया पावणा.....

हीरा म्हारी पीली गोबर की देदे गुंरली ।
हीरा म्हारी मोतियाँ का चोक पुरायनारायण ॥
नारायण आया पावणा.....

हीरा म्हारी जाओ जोशी ने बेगो बुलावज्यो ।
म्हारा नारायण को निकलवा लेवा नाम ॥

नारायण आया पावणा.....

जोशी जूना पुराना काड़ो टिपणा ।
म्हारा उदल को कडवा लेवो नाम ॥
नारायण आया पावणा.....

नारायण पीरु भोपा की सुणज्यो विनती ।
देव जी गावे गावे थांका गुण गान ।
भक्ता ने लजिया राक ज्यो ॥
नारायण आया पावणा.....

देव जी चम्पा लाल शरण मे आवयो ।
देव जी नित उठ देवे चरणा माये धोक ।
वांकी नैया पार लगावज्यो ॥
नारायण आया पावणा.....

प्रजापति म्यूजिकल ग्रुप
चम्पा लाल प्रजापति

Source: <https://www.bharattemples.com/narayan-aaya-pawana/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>